

որքուհւոյ կուսին Հռիփսիմեայ, որպէս պատմէ զայս ամենայն ընդարձակ նա ինքն Հաննա վարդապետ ականատես և գործակից Շղթայակիր :

Իսկ Տէր Կարապետ Կաթուղիկոսն և Հաննա վարդապետ, որ 'ի սոյն ժամանակի էին 'ի Կոստանդինուպօլիս, և Յովհաննէս Պատրիարքն, գրեցին գիր թախանձանաց հանդերձ ամենայն ժողովրդովք առ Գրիգոր Պատրիարք Երուսաղէմի, հանել 'ի տարանոցէ իւրմէ զՇղթայն, զոր կրէր յութն ամաց հետէ. և նորա զիջեալ 'ի խնդիրս նոցա եհան զայն, և շինեաց սեղան փոքրիկ յեկեղեցին Ս. Էջմիածնի՝ յանուն Սինայի, և էարկ զայն Շղթայ 'ի սիւնս նորա, և ապա գրեաց նոցա՝ թէ կատարեցի զինդիր ձեր, (1726) :

Եւ 'ի սմին ժամանակի Կարապետ եպիսկոպոս Ունեցի ձեռնադրեցաւ Կաթուղիկոս 'ի Կոստանդինուպօլիս (1726) 'ի մեծի Պահոց երկրորդ շաբաթու յաւուր Կիւրակէի, Փետրվար 17. և 'ի 18 ին ձեռնադրեաց եպիսկոպոս զՅովհաննէս վարդապետ Կոլոտ՝ Պատրիարքն Կոստանդինուպօլսոյ, յետ վարելոյ նորա զամս տասն զիշխանութիւն իւր: Կարապետ Կաթուղիկոս գրեաց գիր յերուսաղէմ առ Գրիգոր Շղթայակիր վասն խնդրոյ իմիք. և նորա կատարեալ զխնդիրն՝ գրեաց փոխադարձ գիր և առաքեաց ընդ Աթոռակալին իւրոյ Հաննա վարդապետի, եւ իբր նուէր՝ մի ոսկի խաչ, յոր ամբիօրեալ էր մասն ինչ 'ի Կենաց Փայտէն, զոր սիրով ընկալեալ Կարապետի՝ էարկ զայն զլանջով իւրով: Ապա ձեռնադրեաց անդ 'ի Կոստանդինուպօլիս եպիսկոպոս զՀաննա աթոռակալ վարդապետն եւ զթովմայ վարդապետն աշակերտ Յովհաննու Կոլոտի: Կաթուղիկոսն բնակէր 'ի վանս Իսկիւտարու, որ յայնժամ հոգեւորուն կոչէին: Սորա առաջին հիմնադիրն է Մարտիրոս վարդապետ Ղրիմեցի. զինի մահուան նարին՝ աւերեալ և քայքայեալ էր, զոր Գրիգոր և Յովհաննէս վերըստին նորոգեցին: Եւ յաւարտիլ շինութեան եկեղեցւոյն Միջագիւղի, յաւուր հանդիսի օծման նորին, հրաւիրեաց անդ զՏէր Կարապետ Կաթուղիկոսն, և ետ ծանուցանել նմա յատենի եկեղեցւոյ զերիս գլուխս բանից իբր կանոն վասն բարեկարգութեան Աթոռոյն Երուսաղէմի, որք են: